



GEbruik
dagelijks
DOMO POWDER MILK
agents
VELD STORES

Dagblad



voor Aruba

FRESH UP
WITH
7 - UP
agents
VELD STORES



Compensacion financiero pa empleadonan di Gobierno

ORANJESTAD. — E empleadonan di gobierno (landsdienaren), cu no tin derecho riba tratamiento medico y asistencia medico gratis, ta pretende derecho riba un compensacion financiero pa e gastonan medico inevitable y of asistencia medica propio y di nan familia, na e landsverordening di 18 di Maart 1946, cu ta contene prevision tocante e dunamento di e compensacion den e gastonan pa tratamiento medico y/of asistencia medica di e empleadonan di Land, den P.B. 1946 no. 36.

Te hasta poco tempo pasa ni sikiera e empleadonan casa di Land tabata hanja un compensacion den nan gasto di tratamiento medico y asistencia medica, como nan a bai di e punto di vista, cu un senjora, empleada di gobierno (land) no ta cai e mes den e gastonan aki, sino su esposo.

Sin embargo e Gobierno ta di opinion, cu ta husto y razonable, pa duna tambe na e senjoranan un compensacion pa nan gastonan inevitable, cu ta gastonan medico y asistencia medica di dje mes.

Aunke e fait ta cla, cu gastonan medico di un senjora ta corre di cuenta di e esposo. Tampoco e Gobierno ta hanja husto pa haci diferencia den e punto aki entre e senjoranan y su colega soltera den semi circunstancia, esta den cuenta di empleo.

Aunke en contrario cu e punto di vista aki riba menciona, e opinion por surgi, cu e empleadonan casa, en virtud cu e redaccion actualmente di e landsverordening anteriormente menciona,

por bin na consideracion pa hanja un compensacion, cu segun e Gobierno mester ta para den articulo 2 di landsverordening pa esaki, cu tambe e senjoranan cu ta den servicio di Land por hanja un compensacion, cual mester keda limita riba e gastonan medico di dje propio.

Loke ta menciona aki, riba, nos a hanja di Memorie van Toelichting, proyecto di landsverordening pa cambia e Landsverordening di 18 di Maart 1946.

TROPICAAL TA ORGANISA CORTO TORNEO DI FUTBOL NA HONOR DI PASTOOR KRANWINKEL

(Di nos Sportreporter)

ORANJESTAD. — Di parti di e activo directiva di Tropical Sport Club nos a wordo informa cu atrobe e directiva aki a tuma iniciativa pa organisa un corto torneo di futbol. Unicamente dos partido lo wordo hunga e

biha-aki. E partidonan lo wordo teni den honor di e jubileo di Reverendo Pastoor Kranwinkel di Paradera. E promer partido lo tuma luga tres or manjan atardi y lo ta entre Hollandia, equipo di hoofdklasse y Jong Aruba, campeon di A klasse 1956. E segundo encuentro lo ta entre Tropical y La Fama y lo cuminsa pa 4.30. E ultimo partido lo ta un copa. Pa e ocasion diferente cas comercial di Oranjestad a duna nan cooperacion. Indudablemente e partidonan lo resulta sumamente interesante y un numero publico ta spera pa presencia e dos partidazonan aki.

LINOLEUM
TEXAS FURNITURE STORE
Emmastraat 5 - Tel. 1082 - 1083

DIRECTIVA DI A.B.B.A. A TENE REUNION CU E HUNGADORNAN

(Di nos Sportreporter)

ORANJESTAD. — Directiva di Amateur Baseball Bond Aruba a tene Diarazon anochi despues di e practica na Lago Sport Park, un reunion cu tur e hungadornan presente, caminda e entrenador Agapito Mayor tambe tabata presente. A wordo replica cooperacion na e hungadornan pa asisti mas tanto

posibel na e practicanan pa asina nos baseball continua den progreso. Tambe Agapito Mayor a dirigi palabra na e hungadornan y a pidi nan cooperacion ya cu sin cooperacion di e hungadornan su trabao no por duna ningun clase di resultado.

Na Oranjestad un reunion similar a wordo teni cu e hungadornan di Oranjestad. Durante e reunionnan a wordo ademas participa cu tur Diasabra merdia y Diadomingo mainta lo enfrenta otro dos seleccion di baseball na Lago Sport Park y na Wilhelminastadion respectivamente. E seleccionnan aki lo ta dirigi uno pa Ruben Phillips y e otro pa Luis Swaen. Naturalmente Mayor lo t'ey y lo muestra ariba e faltanan cometi. Na e hungadornan a wordo duna e reglanan na cual nan mester tene nan mes durante practica y promer y durante e partidonan.

BAIZ AGENCIES A REGALA UN PIPA NOBO

ORANJESTAD. — Poco tempo pasa nos a informa den nos corant cu sr. M. Paaymans biba na Koenoeke A-bao, a perde su sacu di tabacu y su pipa Parker. Nos yamada na e persona honrado cu a hanja e pipa pa debolbe na e sr. ei tambe a wordo leza door di sr. Hildo Mulder na Corsow, kende ta salesman di e firma Baiz Agencies, cua firma ta agente di e pipanan Parker. Poco tempo despues e manager di El Lujon den Nassaustraat a hanja un pakki chiqui cu compliment di Baiz Agencies cu e replica di entregue na sr. M. P. kende segun e corant a perde su pipa. Jan van Gijn mientras tanto ya a entrega e pakki cua tabata contene un pipa Parker nobo na sr. Paaymans.

Tharcisius College a bai keiru un dia

ORANJESTAD. — E alumnonan di St. Tharcisius College na Oranjestad a bai pasa un dia alegre afor. Despues cu auto y busnan a bilba nan Noord nan a mira ei un film bunita den club.

Nan a goza durante como un hora largo di cowboyman y Charlie Chaplin y a bebe un botter di limonade bon friu, nan a bai hunga riba e speel-veld banda di club. Pa banda di dies dos or esnan mas chiquito a bai POVA cu auto mientras cu hopi di esnan mas grandi a camina e pida ei. Ora nan a yega strand e como 300 mucha hombernan a landa y pasa un rato huntu te dos or y mei pa despues nan bai cas bon cansa pero satisfecho.

E biha-aki tambe frere Anselmus e activo cabes di school, merece un

aplauzo, pasobra un biha mas e tabata sabi di entrete y muchanan manera mas biha e sa haci cu pusta-mento di vlie, keiru of landa. Pa organisa e entretecmientonan aki semper e tin un grupo y varios di e mayornan cu ta yudele.

MULO-EXAMEN

ORANJESTAD. — Pa motibo di un equivocacion serka Voorlichtingsdienst ayera nos a publica solamente mitar di e hobennan cu a slaag pa examennan di MULO. Diahuebs a slaag tambe:

DE
ARUBA VOETBAL BOND
PRESENTEERT
in het Wilhelmina Stadion
HEDENAVOND om 8.00 n.m.
BUBALI S.C. vs. TRAPPERS
(A-klasse)
Toegangsprijs fl. 0.50

Milton d. Gomez, Reinoud T. R. van der Hilst, Hudman A. Hoo, Evidencio Kock, Gregorio H. Koolman, Rudy H. MacDonald, Antonio A. Maduro, Adalberto Soto, Chester E. Thomson, y Jan van Wijk.

sur, Jea J. M. Mansur, Lucila P. Marchena, Cistra C. Martijn, Petra E. Marquez, Mirna F. Meyer, Bernice D. Muller, Maria E. Oduber, Victor G. M. Paula, Marion N. Peters, Bernice A. Philips, Zoila M. C. Pietersz, Carcen Pietersz, Laura V. Pietersz, Norma E. Pietersz.

Na tur e muchanan muher y homber aki nos sinceramente parabienes.

DIFERENTE ASPECTO FOTOGRAFICO DI E FABRICA ULTRA MODERNO DI E FIRMA A.M. LACLE & SONS



Aki riba nos por mira e departamento di e fabrica, caminda nan ta cola e rom, cu ta ser importa di Cuba y prome cu nan embotellé nan ta comprimi eie door di diez plachi di asbest diki, sakando e minimo sushi, cu por tin den e rom y cu ta keda atras den e filtro, di manera cu e rom ta sali limpi y cla fei e bari y bal den e botternan. Banda di e bari ta para Jacinto Lacle; padilanti banda di e machien di cola, Otilio Tromp; tras di esaki conversando Rafael F. Reyes y Miles de Lange. Mas atras Emitelio Wela bandi di e storetank.



Esaki ta un parti di e lugar caminda nan ta laba e botternan y caminda mas o menos diez mucha muher activa ta traha henter dia, labando e botternan bashi cu nan ta devolve den un awa di habon. Despues cu nan laba nan cu habon, nan ta bolbe hinc e botternan den un hanjo di awa cu soda. Pa ultima nan ta hawa e botternan den awa limpi, kedando tambe limpi limpi.



Senjor Benny Cijntjes, propietario di e bar „Aunque me cueste la vida”, na San Nicolas ta para completamente na man drechi. E tabata e prome ganador den e „Superplan de Regalos Rey de Copas”. E la spaar hotter bashi y asina e la llega na 10.650 punto, ganando un precioso set di television marca „Dumont”. Orguloso senjor Cijntjes ta posa banda di dje riba e foto aki. Riba e foto, di robez pa drechi, senjor J.M. Lacle, general manager di A.M. Lacle & Sons, senjor Rafael Reyes, hefe di e departamento di venta di e firma y senjor Cijntjes

E „SUPERPLAN DE REGALOS DE REY DE COPAS” NO TA SOLAMENTE PA SENJOR CIJNTJES

ABO TAMBE POR BIRA GANADOR DI UN DI E PRECIOSO PREMIONAN, CU POR GANA ENTREGANDO BOTTER BASHI DI REY DE COPAS.

Algun di nan ta:

- frigoridare G.E.
- radio di mesa y portatil
- caha di rey de Copas
- rooster di pan
- set di television „Dumont”

- heroe di strika G.E.
- bicicleta „Hercules”
- stoof „Sunflame”
- foodmixer G.E.
- etc. etc.

Algun detalles tocante e „Superplan de Regalos” ta obtenible na cada bar of llamando telefon no. 1090.



Oliserva riba e foto aki con nan ta embotella e rom. Automaticamente e rom cola ta corre den e botternan, asina cu Otilio Tromp, kende nos por mira ocupadísimo aki riba, pone nan na e machien cu tin diezdos kraanchi. Semper e socionan di A.M. Lacle & Sons tabata di acuerdo pa embotella nan rom mas higienico posibel loke no a laga di costa nan algo y traban. E machien aki, cu ta haci pa nada di sushi bin den e rom ora nan embotellé, ta e ultimo cos nobo di e firma aki. Tambe nan a haci e lugar caminda e machien ta completamente liber di stof y airecondicionado.



Un parti di e enorme deposito di e firma Lacle banda di e fabrica nobo na Dakota. Aki den nan ta warda e miles di cubanin di Rey de Copas, pa mandan nan despues na tur e buccinan di Aruba, Curacao y hasta Bonaire.

INDEPENDENT OF THE AIRCRAFT

UN PAREHA

FELIZ

UN BODA

ANIMA

CU

BIBIDANAN

DI

Mario's

Nassaustraat

Bo sabi, cu pa cada compra di bebida pa casamento

bo ta hanja un rebaja.

Bo sa tambe cu bo por presta tur glas gratis?

BELASTING DI AUTO

Ohtvanger di Aruba ta participa cu belasting di auto y boto di motor pa segundo parti di anja mester ta paga ultimamente dia 31 di julio 1957.

Aruba, 13 juli 1957.

A.S.V. TRAPPERS

ta presenta diadomingo y dialuna pa 7.00 or
"Little League Baseball"
di World Serie 1954.

Tur amante di baseball ta bonbini, especialmente muchanan
Entrada completamente gratis.

KAN

E ora a jega
pa drecha horloshi
rapido y bon door
di un especialista
holandes di
horloshi

Joyeria
RelojeriaNASSAUSTR. 47
O'STAD
TEL: 1193

Oduber & Kan inc.
Opticians tel. 2193

TA PRESENTA

E Condesa Viuda

pa TUYUCHI

No. 5

"Bo ta completamente sigur cu e no a bolbe sali for di auto prome cu esaki a start?"

"Mi ta absolutamente sigur di esei. Indubablemente lo mi mester a mir'e si el a sali. Mi tabata para ta spera banda di e auto, por lo tanto cu el a sali, mi a mira e auto y e dama na tranké, di cual Sparkes a bisa?"

"No, nada particular. Tabata masha scur. Mi no a mira 'fo tampoco', e muchu muhe a grita excita. Dirigiente ora cu nos tabatin un bon distancia ta bai caba, un inspiracion a pone mi bira mi cara i mira riba cama. Riba e momento ei flandor di luz a cai riba e homber cu tabata pa-

ra na tranké i na e mes momento m'a mira e mantel dje dama cu tabata para banda di dje. Esaki tabata un mantel di felpa blauw scur. Esei a hala mi atencion, pasobra awe mes m'a mira mi maestra cu precies e mes mantel."

"E condesa tabatin e mantel ei bis di awe mes?"

"Sigur, mester. Ademas di esei mi a hanja masha stranjico comi por ta posibel cu riba un anochi asina tempestuoso den un sitio cu mi no conoce ningun hende, mi por a contra cu un dama cu tabatin un mantel mesos cu mi maestra tambe tin."

"I no a drenta bo mente ni un momento cu e dama aqur por tabata e condesa viuda mes?"

"Absolutamente mester. M'a pensa net contrario mes. Pasobra masque cu mi a mira e mes mantel, sinem-

PAGINA TRES

Maestronan di Fluminense a demonstra futbol di alta categoria contra di Seleccion Arubiano

E score final dos cero na favor di e visitantenan

(Di nos Sportreporter)

O'STAD.— E tercer equipo profesional cu ta hunga na nos isla den tres siman di futbol, ta resulta un di e mihonan cu hamas a yega di actua den Wilhelminastadion. Fluminense a cumpli completamente cu e elegionan di prensa di otro paisnan y no a desapunta e cantidad grandi di fanatico cu a acudi pa presencia e partido. E subcampeon di Brazil ta un oncena completo. Un oncena den cual ta practicamente imposibel pa pone dede riba un posicion y bisa cu ey ta nan punto debil. E brasilienan por worde considera como artista di futbol. Cu un dominio y control perfecto nan a gana admiracion di e fanaticonan meskos cu pa nan sportiviteit.

For di principio te fin nan a obsequia un caliber di futbol cu for di tempo cu Millionarios a bishita nos isla nos no a presencia igual. Ta un clase di futbol cu semper e fanaticonan ta keda recorda gratamente. Nan dominio ta asombroso, nan colocacion perfecto, nan combinacionnan magistrales. Tanto den atake como den defensa Fluminense ta poseer estrellanan. Y loke ta asina importante den un equipo tambe e oncena aki ta poseer. Esta hungadornan suplen cu no ta di menos caliber cu esunnan cu ta cuminsa. Es decir cu semper e entrenador por conta di tin hungadornan mes bon reemplaza cuakier. Fluminense a inicia e partido cu e siguiente alineacion: Keeper Alberto, Backs Manillo, Roberto y Caca, linea media Santana y Clovis, linea delantera Paulinho, Robson, Alecy, Romeo y Dejaer. Aruba a cuminsa cu Pupy Diaz como keeper, Joy La Rosa y Edwin Dirksz como back, Chito Croes, Cai Helder, y Jose Boye como linea media y delanteronan Gonzalez, Mundo Kemp, Rey Franken, Fon Paula y Gochi Brion. Referee tabata Gochi Tromp, asisti pa Dunchi Tromp y Aquiles Leon.

E partido a cuminsa pa 8.30 y prome cu a transcurir diez seconde di wega ya e visitantenan a tumata ventaha. Alecy a haci sake cu e pizao y a entrega na Robson. Esaki a pasa un hungador di Aruba. Romeo a ricibi y luego a entrega Alecy e cuero. E midvoor di Fluminense no ta perde tempo y ta shoot net paden di doelgebied den skina. No mucho duro pero net suficiente pa e promer anotacion di e partido. E rapidísimo hugada aki a sorprender henter e oncena arubiano completamente. Sinembargo e tempran desventaja aki no ta kibra moral di e muchanan di Aruba. Cu e sake nan ta forma un atake cu ta resulta den corner na nan favor. Gonzalez ta cobre bon, pero Mundo ta kop net over. Rapidamente y cu pase sigur e visitantenan ta pone defensa di Aruba drenta den accion airobe. Romeo ta shoot peligroso den skina, pero keeper Diaz ta pomp mandando corner. Esaki no ta resulta peligroso y ta turno di Aruba pa forma atake. Airobe un corner pa Aruba. Pero atrobe e oportunidad ta bai perdi. E chikito y rapidísimo rechtsbuiten Paulinho ta causa admiracion cu su fantástica agilidad den pasa e hungadornan. Linkback Edwin Dirksz, kende

nos ta considera un hungador rapido tabata keda atras tur ora contra di e diminuto brasileiro. Un canjonazo di Robson ta worde desvia pa keeper Diaz den gran uitval. E bala ta rebota contra lata y bin back den tereno. Den linea delantera arubiana ariba ala drechi Kemp y Gonzalez ta forma varios bon combinacion, pero contra di e sublimemente Caca ta resulta sumamente difícil pa penetra. Otro magnifico combinacion ta laga linea media y defensa di Aruba atras. Romeo ta entrega na Robson kende ta pasa La Rosa y hanjele so cu keeper pero su shot ta suade den man di keeper Diaz. E segundo goal ta surgi den di 17 minut. E atake ta worde forma cu pasenan cortico for di mei mei di tereno. Un pa un e hungadornan di Aruba ta ser pasa y laga atras, te cu Alecy ta bolbe hanjele so cu Diaz y ta shot duro aden. 2-0 pa Fluminense. E dominio, pa mas o menos diez minut, di e brasilienan ta completo. E diminuto delantero arubiano Fon Paula ta haciendo hopi esfuerzo. Su pasenan ta bon pa su companjeronan. Den di 24 minut despues di un atake arubiano, e oncena local a bolbe hanja un corner. Mundo Kemp a cobrele. E shot di Gonzalez cu a sigui tabata duro den skina, pero den fantastico uitval cu a cosecha hopi aplauso keeper Alberto ta pomp e bala back. Gochi Brion ta trata di sorprender luego di hopi distancia, pero Alberto ta bon coloca y ta garra facilmente. E chikito Paulinho ta sali di e partido den di 40 minut y ta worde sustitui pa e famoso Tele. Paulinho a ricibi hopi aplauso ora cu el a sali for di wega. E temible Waldo tambe ta drenta na laga di Romeo. Despues cu Mundo Kemp a trata di anota cu shot lastra di hopi distancia cu a sali out, halftime a bai aden.

Den alineacion di Aruba ta worde haci un cambio pa principio e segundo mitad. Steve Alexander ta sustitui Rey Franken, kende no tabata den mucho bon forma. Ya den e promer minut Aruba a forma bon atake mediante combinacion di Brion y Paula, pero e shot di Brion a worde garra pa keeper Alberto. Despues di cinco minut ta sigui un otro bon atake arubiano. Fon Paula, hungando bon y forzando hopi ta rush ariba ala robes y na ultimo momento ta haci voorzet cu ta worde taha door di back Manillo. Brion ta shot den goal mes ora, pero e bala ta rebota contra lata. E visitantenan des-

pues di esaki a cuminsa domina e partido airobe. Alecy, Tele y Waldo ta combinando rapidamente y cu un confianza absoluto. Un shot di Alecy ta sali pa menos di mei meter. E muchanan di Aruba ta hungando cu hopi entusiasmo sinembargo. Airobe Fon Paula ta percura pa un momento emocionante ora cu e ta pasa uho y entrega e bala na Kemp. Esaki ta rush, pero na ultimo momento back Caca ta kita Kemp e bala. E back brasileiro aki indubablemente ta un gran futbolista. Especialmente den e segundo mitad el a demostra su gran habilidad y vista ariba e wega. Di otro banda ta Tele ta sorprende e defensa di Aruba cu un potente shot cu sinembargo a sali out.

E delanteronan arubiano ta formando bon combinacion y atrobe ta forma atake. Despues di e hunga poco descontrola den e promer mitad, den e segundo centerhalf Cai Helder ta yuda su companjeronan den delantera hopi haciendo bon pase.

Combinacion di Kemp, Paula y Brion ta pasa e linea media di Fluminense pa luego Brion shoot na banda. Den di 15 minut e rapidísimo chikito Paulinho ta drenta pa Robson. Mes ora e hungador aki ta drenta den accion y a bolbe cuminsa amenaza e defensa arubiano. Escurrenho ta sustitui Dejaer ariba ala robes. Un corner ta worde scapa den bon forma pa keeper Diaz.

Aruba tambe ta forza un corner. Cai Helder adelantando hopi ta kop for di difícil posicion net over. Bibi Perez ta drenta na laga di Boye pasando Chito Croes pa linkhalf. Rey Franken ta bolbe drenta saliendo Alexander for di partido. E rapido y largo Escurrenho ta sali for di ala robes y ta haci un rush mei mei di tereno y luego ta shot canjonazo cu Diaz ta garra.

Den di 32 minut capitan Edwin Dirksz ta bolbe haci un cambio den alineacion. Un cambio cual no por a hiba nos aprobacion ni di e fanaticonan. Ruben Phillips ta drenta hunga back, pasando Edwin Dirksz den linea delantera y SAKANDON FON PAULA FOR DI PARTIDO. Esaki indubablemente tabata un mal cambio, pasobra nos ta hanja den den linea delantera lo por a sali Gochi Brion kende no a forza mucho den e segundo mitad. Paula durante henter e partido a hunga hopi y a forza mayoria di e atakanan di Aruba. NOS TA KERE CU LO TA CONSERVABLE PA A.V.B. NO RIPITI E ASUNTO DI LAGA E CAPITAN DEN TERENO HACI CAMBIO. NAN SI TA ASINA TA PAKIKO TIN ENTRENADOR ANTO? For di pafor di tereno, un conocedor di wega, tin mucho mihor vista ariba henter e tereno y consecuentemente ariba e movimiento di e hungadornan cu esunnan cu ta hungando. Si tabata tin un cambio fatal di parti di e oncena di Aruba tabata e sakamento di e diminuto pero agresivo Fon Paula for di wega.

Aruba ta haci su ultimo atake den di 37 minut, cual ta resulta den un corner. Mundo Kemp ta cobre y su potente shot ta pasa e keeper cu a sali pe intercepta, pero back Roberto ta salba e situacion shootando back den tereno. Un otro corner ta sigui pa Aruba y atrobe Kemp ta cobre. Helder ta ricibi y shot duro aden, pero back Caca ta haci un hugada fantastico cu un "split" di ballarin tabando e shot di Helder. Fluminense ta podera di e partido y cu nan combinacion rapido nan ta bolbe amenaza. E chikito Paulinho ta pasa tres hungador di Aruba y luego ta enfrenta keeper Diaz, kende a sali pa intercepta. Paulinho ta cai den e hugada y e bala ta resulta den corner contra di Aruba. Den nos opinion, a worde cometi foul contra di Paulinho

Cumpleanjos feliz

Pa cortesia di

KAN

E MEHOR cas di Regalo



Dia 13 di Juli a cumpli anja e chikito Roberto Gustavo Peterson, y ta ricibi felicitaciones di su estimado tata Joseph, su estimada mama Josefa, su welan, su welo Marcial Wild na Corsoy, di su madrina, su padrino cu ta na America, tur su tanta y omonan, di Maria Wild, su oud tante, di henter famia Wild, Peterson, y Angela y Lejeuz.

CADA REGALO TA BONBINI
PERO DOBBEL BONBINI TA
Un REGALO compra serca
KAN

Nassaustraat 47 - Oranjenstad

Felicitacion tambe pa J. F. Bouwman, kende a cumpli 47 anja, pa J. Tromp, kende a cumpli 27 anja, y ta biba na T.L. 249, pa Antonia Dijkhoff, kende a cumpli 36 anja, pa Anita Koolman, Cleto Werleman, kende a cumpli 54 anja, Jose Maria Croes, kende a cumpli 6 anja.

Greta Winterdaal ta cumpli 7 anja manjan dia 13 di Juli y ta ricibi felicitacion di su mama, su welan, su tanta Lica, su omo Papi Winterdaal, Rosa Arends, Vilma Paris y Sonja Vermeulen.

Awe dia 13 di Juli e jovencita Violeta Kock a cumpli 4 anja y ta ricibi felicitaciones di su amiguitanan Ia, Chida, Nito, Ina, Ekto Tromp, Eddy y Juni Tromp.

Felicitaciones tambe pa e jovencito Jacobo Anacleto Tromp kende a cumpli 6 anja di bida pa parti di su tata Julian, mama Marianita, ruman Ronny, wela Maria, welo Willem, omo y tantanan.

den doelgebied, cual mester tabata un penalty. Pero referee Tromp no a constata tal, y a sentencia corner. Esaki no tabata tin mayor peligro. E partido a finaliza cu e score di 2-0 na favor di Fluminense.

Manera nos a bisa na principio di e relato aki e wega di Fluminense ta algo verdaderamente admirable. E oncena arubiano a bolbe hunga tur loke e por. Den linea delantera tabata tin hopi combinacion y mas empuhe, mas agresividad cu den e dos ultimo partidonan di nos seleccion. Nos muchanan a bolbe perde, pero e biaha aki e fanaticonan a sali for di Wilhelminastadion satisfeco y convenci cu pa gana e brasileiro nan nos oncena mester sinja hopi pero hopi mas futbol. Algo notafte durante e partido tabata e mucho mas rapido cu e visitantenan nan tabata den hungadornan. Continuamente nan tabata den movimiento mientras cu nos hungadornan ta usa e mal sistema di para warda e bala yega mucho.

Pa envio y tur correspondencia pa "Arubaanse Courant" dirigila na:
Nassaustraat 47, Oranjestad.
Telefoon 1116 - Directo y Avonno
1116 - Radiotelefoon
Nuestro sueldo di ARUBAANSE COURANT
por worde obtene na San Nicolas
na Union Store, Mainstraat.

AGENDA
Diamars 13 di Juli
DE VEEER THEATER 18.30:
"Love is a Many-Splendored Thing"
REALTO 20.00: "The Man in the Vault"
PRINCIPAL 20.00: "The Kentuckian"
AUROHA 19.30: "Taranula"
SAVANETA 19.30: "El Inocente"

NOW!
AIR CONDITIONING
Call 2170 - ELMAR
For information

Diadomingo 14 di Juli
DE VEEER THEATER 18.30:
Keynote Kops
20.30: "Love is a Many-Splendored Thing"
REALTO 17.45: "Tow Gun Marshall"
20.00: "The Man in the Vault"
PRINCIPAL 18.00: "Duel at Silver Creek"
20.00: "Bengal Brigade"
AUROHA 18.00: "Bud Abbott and Lou Costello go to Mars"
19.30: "Playa Prohibida"
SAVANETA 19.30: "Johnny Ringo and Doc Holiday"
19.30: "Court Jester"

PARTERAS, ENFERMERAS, ETC.
Zuster M. v.d. Mark, telefoon 1557.
Rondweg 4 Dakota, telefoon 1355
Nassaustraat 42, Oranjestad.

y... MESKER ta drechu mi

MEUBELNAN

Zuster M. van der MARK
Rondweg 4 Dakota Tel. 1557

PARTERA
tambe pa esnan cu tin
karchi di gobierno.
Oficina S. - Nicofias
Bernhardstraat 244
(Banda di Rainbo)
10 - 12 mainta.

tanan, especialmente di su omo Ambrosio Figaroa y di Theresita Lacle.

Tambe felicitacion ta bai pa e jovencita Filomena v.d. Linden cu a haci 14 anja pa parti di su mama Tina, tata Pedro, rumanan Boebee, Mani, Chito, Eddy, Anna y Edwin, madrina Doortji, padrino Nachi v.d. Linden, wela y welo, omo y tantanan, amiguitan Chichi, Maxi, Filomena Wouters, Irena y Helena de Cuba y Emi.

E jovencito Chito v.d. Linden tambe a cumpli 7 anja awe. Masha pabien pa parti di su mama Tina, tata Pedro, rumanan Meme, Boebee, Mani, Edi, Ana, Edwin, madrina Carmen, padrino Efraim Arends, wela y welo, omo y tantanan, y di Chichi de Cuba.

A cumpli 5 anja e jovencito Jacobo Cobi Kroenlijk y ta ricibi felicitacion pa parti di su mama Nini, tata Pedro, rumanan Jovito, Icho, Erichi, Mena, Boei, Ale, Mech, Fon, sobrino Franklyn, hunga tur loke e por, amiguitan di St. Imelda Froelichschool y jufvrouw Cornely y Jacintha.

A cumpli 19 anja Sra. Anna Luisa Wolff y ta ricibi felicitaciones di su tata, mama, rumanan: Guillermo, Bertha, Max, Nicolaissa, Benny, Lucila, Frans, Filomena, Gerrit, Johanita, Thea, Martina, Wilfredo, amiguitan: Presentacion, Josefa Tromp, Petra Cornelie, Lydia Giel, Anna Semeleer, Flora Kelly, Juanita Kelly, Petra Croes, especialmente di un amigo.

customder di larga e porta di eura abri te ora cu tur vehiculonan di palacio ta paden."

"Esei mi tampoco no ta comprende, mester," e muhe a bisa sagudiendo su cabes. Pa expresa mi a larga e porta di eura abri, pasobra mi tabata sa cu e auto i e shers tabata afó."

"I ho ta sigur di esei?"

"Absolutamente sigur."

"Por ta posibel cu ta biento a dal e porta di eura cerra?"

"Asina leu cu mi por recorda, nunca antes no a socede. E eidenen cu cual e ta ser deni abri ta basta fuerte."

Airobe Sir Henry a dirigie na George.

"Ta parece cu e esaki ta e punto di mas interesante", el a observa.

"Enberdad, Pero nos mester haci algo."

"Lo no tabata ben si nos mes a sali un rato pa bai busca dreci de condesa? Corda cu ta nos hupsed e ta i Dios sa ta quico por a pasa. I dirigiendo su mes na e crianan el a bisa: "Boso por bai noma p'awor. Pero abo Judd i Sparkes tin di queda spera nos banda di vestibulo, pasobra quizas lo nos tin mester di boso."

(E ta igui)

Laga bo jloenan hunga
masque nan ta bisti bril,
Percura di cambia promé e
glas nan di bril pa "Safety-
glasses".

ODUBER & KAN
Opticonen den Nassaustraat No 47

HAMMOND
E nomber di fama mundial riba terreno di ORGEL.
E gran artistanan ta preferá "HAMMOND"
pa e sonido sublime y e kwalidad duradero.
Tambe ORGELNAN ELECTRONIC
por consigui serca

fa. J. A. NIEUW
Tel. 1227 — Kerkstraat 15

bargo ta qui mishi condesa por a baha for di auto den un tempo malo asina aqur cu tanto jobida asina pa bai para combersa cu hende na porta di cura? Mi a bisa den mi mes cu no por ta condesa ta e unico persona den mundo cu por tabatin un mantel blauw di felpa. Pero ora cu mi a yega aqur i a tende quico a pasa, i cu senjora condesa a desaparece, e cos a dal unbez na mi sentir, cu por tabata senjora mes anto, mi a mira na e tranké. Pero e ora ei lo e mester a baha for di auto pa e bai para papia cu e homber na e tranké. I esei no ta cos cu condesa sa haci nunca. Sinembargo e biaha aqur si mi ta quere cu e mes tabata para aya."

"Bo por a yega di mira e homber ei mas bez quizas?"

"No mester. Mi n' por a distinguí cabes ni cara dje dama. Pero awor mi ta convenci cu ta condesa mes."

"Pero ta na qui manera lo e por a baha anto for di auto mientras esaki tabata corriendo?" George a puntra trebe.

"Judd abo a bisa cu bo no a para ningun camina durante e viaje."

E chauffeur a camina bini dilaanti awor.

"No, mester. Den promé instancia mi no por a quere ni un momento sol cu e condesa por a sali for di e auto, sino solamente mi a convence mi di esei ora cu James a bin puntra mi ta na unda m'a larga e dama."

"Cuanto bo mester a warda n'e porta di cura prome cu el a abri?"

"Un rato asina, mester. M'a grita i juffrouw i unbez el a sali i a bin abri e porta pa mi."

"Lana nos spera anto ta quico Sra. Martin tin di bisa awor, pasobra e asunto aqur ta bira ora pa ora mas complicá, pasobra alafin ta nos tin di duna responsabilidad di e condesa,

pensa cu quizas Sra. Martin lo no a pensa cu nos tabata afor."

"Apas esaki ta aceptable, sino di otro manera mester ta hopi sin atencion di su parti pasobra no ta un, pero dos vehiculo di castillo ta 'fo' George a bisa. "Pero quizas pa un otro motivo tampoco lo e no tin fal ta den esei. Sparkes, bai un rato cerca Sra. Martin i bis'e cu e ta worde spera inmediatamente aqur. Mi quier sa ta di qui manera e porta di cura tabata cerra. — Pues, Judd, el a continuá," ora cu bo tabata para dilaanti dje porta di cura pa warda nan abri pa bo, ainda bo n' ripara nada? Bo n' tende tampoco cu porta di bo auto a abri i cerra ni un momento."

"No, mester. Pero tabata supla un biento fuerte i mi no ta pretende cu esei por a larga di socede, pasobra cu un biento cu tabata jora asina horrible, ta facil pa hende queda sin tendende nada mes."

"Bo n' mira nada cu por a dal na bo sinti cu e condesa por a sali for di auto?"

"No, mester. Den promé instancia mi no por a quere ni un momento sol cu e condesa por a sali for di e auto, sino solamente mi a convence mi di esei ora cu James a bin puntra mi ta na unda m'a larga e dama."

"Cuanto bo mester a warda n'e porta di cura prome cu el a abri?"

"Un rato asina, mester. M'a grita i juffrouw i unbez el a sali i a bin abri e porta pa mi."

"Lana nos spera anto ta quico Sra. Martin tin di bisa awor, pasobra e asunto aqur ta bira ora pa ora mas complicá, pasobra alafin ta nos tin di duna responsabilidad di e condesa,

Quizas cu Sra. Martin si lo por tin un solucion pa e problema aqur."

Awor Deighton a haci uso di palabra trobe.

"Conta mi un rato, Judd; si mi ta recorda mi bon, es dje portier ta queda na bo man robez ora cu bo ta drenta?"

"Precisamente, Sir Henry."

"Naturalmente cu tur bo tino ta na e cas di portier ora cu bo ta para spera un hende bin abri porta di cura?"

"Esei ta mas cu claro, Sir Henry."

"Pues, bo ta quere anto cu durante e momento ei cu bo ta para spera un hende lo por sali for di auto sin cu bo ripara esei of nada di esei?"

Un momento Judd tabata vacila cu su contesta.

"Entramente imposible esei no por ta. Mi ta bolbe bisa cu riba un anochi manera awe, cu e tempestad rudo aqur cu tanto biento cu ta grita asina masha den tur e palanan alto, quizas lo mi no por a mira ni tende nada, pasobra tabatin ademias di esei un seguridad impenetrante. Cu esei mi quier bisa anto, cu ei e dama lo a baha na otro lado di camina mi tabata sinti. Ma si ta e banda camina mi stuurwiel tabata el a baha, anto indubablemente mi mester a sintie e para ei."

Net n'e momento aqur Sparkes, a camina drenta cu Sra. Martin. Esaki tabatin 50 anja, e tipo respetable di un muhe, quende den su hubentud tabata kokki i cu a casa despues cu un die crianan dje castillo mes aqur.

"Sra. Martin," George a cuminsa, "indubablemente lo bo mester a tende dje desaparicion misterioso di condesa Mornay?"

"Nos a larga jama bo aqur pa nos tende cu abo lo por duna nos siquiere un claridad den securidad dje misterio aqur."

"No senjor, esei mi no por."

"E condesa a drenta auto na stacion na Fulhorough, George a continuá, "pero ora cu e auto a yega aqur e condesa no tabata den dje. Judd no a stop ningun momento na camina, sino solamente dilaanti ho cas. Por ta posibel cu bo por a mira e condesa sali for di auto ora cu b'a bin abri e porta di cura?"

"Nada, mester. Tabatin un tempestad i awa tabata joho duro, di moda cu mi no a hanja ni ocasion mes di waak ta quende tabata den e auto, pasobra mi mes a muha para. Ta comi mi por a sospecha cu por tabatin un semechante cos. Despues cu mi a cerra e porta trobe, m'a bai paden."

"Bo n' mira ningun hende sinta den e auto?"

"No, mester. Wel mi a tira un bista, esei ta di curiosidad di muhe, pero mi n' por a distingui nada. M'a pensa cu e dama lo tabata sinta te den hukki dje auto."

George a queda ta pensa un rato.

"Mi ta supone cu casi nos por acepta anto cu foi e ora ei mes caba e condesa lo no tabata den auto mas, ora cu esaki a pasa Sra. Martin," el a bisa birando su mes pa Sir Henry Deighton.

"Esei mi tambe ta opina," esaki a acepta, pero ainda ta resta nos tur pregunta mas. Bo por splica nos ta di com awe e porta di cura tabata cerra? Segun mi ta tende cu sa ta

Abdel Majid Chaker a ser arresta na Paris

PARIS — E director administrativo dje oficina politico di parti di Neo-Destour di Tunes, Abdel Majid Chaker, a worda arresta antaia nochi na su yegada na e aeropuerto. Orly den cercania di Paris, pa poliz Frances. El a bini for di Tunes.

Segun un informacion di ministerio di asuntunan interior Frances Chaker tabatin den su posesion documentonan, di cual el a declara cu e no

tabata sabi nan contenido y e no tabata kier splica na unda el a hanja nan.

E documentonan aki tabata destina pa miembronan importante di e F.L.N. (e frente di libertad Argelino), kende actualmente ta cerra.

Ajera maiora Chaker a hanja su libertad condicionalmente, despues cu el a worda acusa di „violacion di seguridad di estado Frances“.

E lideman di Tunes ta tin dje abogado den Ben Bella, e lider militar dje „Frente Nacional di Libertad“ Argelino, kende ta cerra huntu cu 4 otro lider dje organisacion aki, na Paris.

RELACIONAN INGLES-EGYPCIO LO BIRA NORMAL

CAIRO — Premier Nehru di India a declara ajera na un conferencia di prensa na Cairo, cu pronto e relacionnan Ingles-Egyptio lo bira normal atrobe. Asina e oficina di noticia di Belgica, „Belgan“ a informa.

Nehru a bisa, cu el a discuti e kestion dje relacionnan entre Inglaterra y Egipto cu presidente Nasser. E tabata di opinion, cu relacion entre e dos paisnan lo mehora y cu pronto e relacionnan diplomatico lo worda restaura.



NESTLÉ'S Quik



Add 2 heaping teaspoons of QUIK powder to your glass of cold milk—stir—and drink. It's ready instantly—instantly good! QUIK has a rich, real chocolate flavour, the kind only Nestlé's can make!

Delicious QUIK stays mixed too—it's always chocolaty all through. Today—try QUIK for the chocolate drink that needs no fuss—no bother. Serve it hot or cold—it's delicious either way.



WITH THAT FAMOUS
NESTLÉ'S
SWISS CHOCOLATE FLAVOUR

EL CISCO KID

Por José Salinas y Rod Reed



Llegando na e oficina Rojo Riacho ta puntra un di e trahadornan cu si acaso nan tin mester di un empleado. E trahado a conteste: Wel, miho bo warda un rato, pasobra cu awor aki e jefe no ta aki, pero ora e bolbe e por bisa bo mas sigur si e mester di un empleado. I mientras tanto cu Rojo Riacho ta sperando e jefe, e ta tira un bista ariba e tereno, bisando: Lo

mi traha aki, pa mi hanja oportunidad di studia riba e tereno aki. Tur es ora cu Rojo Riacho ta studiando e tereno, Dolores ta mirando kiko ta idea di dje. Volviendo na su kabai Rojo Riacho ta bolbe bisa: Mi ta traha aki i studia e tereno, pa despues mi por logra pa mi bira donjo di su oro.

Palabranan di Chroestsjef na Praag

PRAGA — E lider di parti Ruso, Chroestsjef, a bisa durante un recepcion na Praag: „Larga nos stop di mira otro como enemigo, pero trata di haci progreso; mi no ta kere cu tin otro manera. Larga Socialismo y capitalismo concuerdi. Boso ta bisa cu boso ta contra socialismo, nos ta na su favor. Tin hopi caso di hende cu no tabata stima otro pero a casa toch y a bira bon. Sin amor, pero cu comprendimientu pa otro. Merca ta un pais grandi y fuerte. Nos ta kere tambe cu nos ta un pais chiquito y zwak. Pa e motibu ey nos por wordo considera como parti igual, asina Chroestsjef a declara.

El a continua: „Paquico nos tin mester di paz? Guerra por trece solamente lagrima y destruccion di bida di hende y baloman di humanidad. No ta semper nos no kier gera, pero

nos no kier gasta tempo na armamentu tampoco“.

El a declara cu e bon relacionnan entre e paisnan di campo socialista mester wordo fortifica, y a ripara: „Mi no sabi si e Checonan ta gusta e palabra aki. Nan ta prefera un palabra manera comunidad.“

Checoslowakia ta un pais socialista. Ta dos socialismo tin of uno? E pregunta a wordo haci varios biaha.“

Tocante Polonia e lider Ruso a declara cu e relacion ta superbo. El a compara e dificultadnan di anja pasa cu un peshi riba nanishi, cu a desaparece sin largu marca.

ANTAYERA MANTA JONCKHEER A YEGA HOLANDA

SCHIPHOL — Cu un retraso di 3 1/2 ora, ocasiona particularmente pa motibo di un bahamentu extra na islanan di Bermuda, a yega antayera manta na Schiphol e prome ministro di Antillas, Senor E. Jonckheer, acompaña pa su esposa y dos yiu. El a wordo ricibi na aeropuerto pa e minister plenipotenciario di Antillas na Hulanda, Senor W. F. M. Lampe y e secretario di Consejo di Ministranan di Antillas, Mr. F. P. de Vries.

Mr. De Vries tabatin discusionnan prepara na e departamentu tocante algun asunto tecnico, cu no tabata por wordo trata durante e prome bishita di Senor Jonckheer. E prome ministro Antillano lo keda cuater di cinco semana na Hulanda y ta spera di tuma vacante durante e ultimo dos semannan.

HERNANDEZ TA REGRESA DIADOMINGO

SAN NICOLAS. — For di Headquarters di Petroleum Workers Federation of Aruba (PWFA) nos a tende ayera cu e secretario di e bond aki, Senor Hernandez, ta wordo spera back na Aruba Diadomingo awor. El a sali for di Aruba medio junio como representante di PWFA y PWFC, pa e asistia na dos congreso grandi di vakbondnan na Roma y Tunesia.

Relato di Polis

ORANJESTAD.

Fallo di memoria

Diahuebs mainta nan a pidi asistencia di polis den un restaurant na Oranjestad na unda nan a hanja un bomber benta na suela den sanger. E bomber aki kende parece tabata basta bao di influencia di alcohol no tabata sabi ta di unda el a sali cu e heridanan na su curpa. Na San Pedro Hospital dokter a coce e corti y despues el a bai eas.

Damas

Na San Nicolas Diahuebs mainta polis a wordo yama pasobra dos dama tabata bringando den un restaurant di Chines. Ora polis a bai weta ta kiko nan a hanja solamente dos muher ta zundra otro y despues di a papia cu nan cada un a sali cu un destino diferente.

MATRIMONIO DI PRINS SADRUDIN

GINIEBRA — E matrimonio di Prins Sadrudin, e ultimo yiu homber di Aga Khan, kende a muri na Ginebra antaia, y e ex-modelo fotografico, Nina Dyer, un Inglesa, a wordo pospone. Esaki lo tuma lugar riba 27 di Agosto, na lugá di Dia Luna.

INSISTENCIA DI RUSIA PA TENE UN CONFERENCIA INTERNACIONAL

GINIEBRA. — A. V. Zakharof, minister di asuntunan exterior interior di Rusia y cabezante dje delegacion Ruso na e reunion actual di Consejo Economico y Social di Naciones Uni, a insisti durante e reunion aki pa convoca un conferencia internacional pa studia e problemaman economico mundial, na cual representantnan di gobiernonan lo mester tuma parti.

LEWIS STRAUSS I ENERGIA ATOMICA

NEW YORK. — E presidente dje Comision Mericano pa Energia Atómico (A.E.C.) Lewis Strauss, a declara antaia nochi, cu Merca mester continua su experimentonan atomico pa e ta fuerte na e discusionnan di desarmamentu.


Strauss a declara: „Te cu e dia bini riba cual ciencia lo pone un fin na gueranan, nos no tin ningun otro curso sino provision di nos mes cu e armanan mas efectivo pa asina segura nos seguridad“.

El a bisa esaki na e reunion anual di e union Mericano di veterano nan na Pennsylvania.

TRES DIA DI LUTO PA AGA KHAN

BOMBAY — E Consejo Federal dje secto Mohamedano Ismailita a haci un peticion na tur discipulonan Aga Khan, kende muri antaia, pa tene luto pa tres dia.

Daring flying dive onto bed of jagged glass fails to damage **ALL-NEW TUBELESS SUPER-CUSHION!**



Here's real protection! A world-famous stunt driver smashes down onto a bed of broken bottles. What happened? There was no puncture—no blowout with the All-New Tubeless Super-Cushion!

In its new and patented 3-T process, Goodyear triple tempera tough cord sinews and integrates them with improved rubber compounds under Tension, Temperature and Time to produce a completely unified, completely airtight tire body that gives:

1. Puncture Protection—that's amazing even to us! And there's no heavy heat-producing sealant to shorten tire life.
2. Blowout Protection—with a greater margin of safety.
3. Better Performance—a smoother ride plus even greater mileage
4. Better Economy—it combines all these wonderful advantages at the same price as ordinary standard tire and tube. See your Goodyear dealer today. Ask to see the All-New Tubeless Super-Cushion.

This new tire is available with 3-T Rayon or 3-T Nylon Cord—in all popular sizes.

ALL-NEW TUBELESS SUPER-CUSHIONS
GOODYEAR

THE WORLD OVER, MORE PEOPLE RIDE ON GOODYEAR TIRES THAN ON ANY OTHER MAKE

Viana Auto Supply & Trading Company

Dennis, de Schrik van de Buurt

MAAR...



Niet omkijken, 't zijn maar meisjes.

No draai mira. Ta mucha muhe nan ta.

GEEN GEVAAR, N.E.N. IS DAAR..

NO CHANSA CU BO SALUD: BEBE MALTA COROA

PEPITA

Por CHIC YOUNG



Lorenzo a sinta cabisha te cu e la pega sonjo cu su planan riba su lessenaar. Ora e jefe a bini den su oficina i e la mira Lorenzo na sonjo, e la disidi di mara e feternan di su sapatonan na otro. Ora cu e la kaba di maranan, e la para na porta gritando: Candela Mes ora cu Lorenzo a tende e grito „Fuego“, e la bula lanta for di su stool, sin sa cu su sapatonan ta mara

na otro. E la kai for di su stool gritando: Socorro Auxilio E jefe para na porta ta hnri i tene su burika, asina un pret e tabata tin ora cu Lorenzo a bula for di su stool. Ora cu e la kaba di hnri Lorenzo e la bise: Otro biaha lo mi wax e floor banda di bo lessenaar, i e la bai sigi haci su trabao bek.